

## 1. UVOD

Ovaj rad je koncipiran tako da ukaže koliki je značaj, uloga i sastav učesnika na tržištu i razvoju kapitala u BiH.

Tržište kapitala je sastavni dio finansijskog tržišta i predstavlja faktor globalizacije nacionalnih ekonomija. Time omogućava investitoru da brzo i efikasno mijenja strukturu svog investicionog fonda. Takođe, u fokus ovog rada je uvrštena i berza kao specijalizirana institucija tržišta kapitala zbog svoje dinamičnosti poslovanja kao i velikog obima kapitala koji je u opticaju. Ipak, ovaj rad će se najviše pozabaviti posrednicima koji se pojavljuju na tržištu kapitala, a veoma su bitni i važni za održavanje samog tržišta kapitala.

Razvoju tržišta kapitala u BiH pogoduje plodno tlo koje se odnosi na pozitivan stav države prema investitorima kao najznačajnijim učesnicima na tržištu kapitala. Takođe, veliku ulogu imaju i posrednici u tržištu kapitala, jer da njih nema svako poduzeće bi moralo sklapati pojedinačne ugovore sa investitorima, ipak ovako je puno lakše i puno brže.

Iz prethodno rečenog proizilazi problem i predmet istraživanja.

### 1.1. Problem i predmet istraživanja

Problem i predmet istraživanja je utvrditi dostignuti stepen uspješnosti funkcionisanja razvoja tržišta kapitala u F BiH.

### 1.2. Cilj istraživanja

Cilj istraživanja je spoznati najvažnije aktere koji učestvuju na tržištu kapitala u F BiH.

#### 1.3.1. Osnovna hipoteza

Osnovna hipoteza glasi : Uloga posrednika na stepen uspješnosti funkcionisanja i razvoja tržišta kapitala je veoma bitna i nezamjenjiva.

#### 1.3.2. Naučne metode

Prilikom istraživanja, oblikovanja i prezentacije spoznaja s ciljem dokazivanja postavljene hipoteze korištene su sljedeće naučne metode: metoda indukcije, dedukcije, analize i sinteze, komparativana i matematička metoda.

#### 1.3.3. Sruktura rada

Rad se sastoji od osam međusobno povezanih dijelova.

U uvodu je definisan problem i predmet istraživanja, cilj i osnovna hipoteza, metode i sadržaji pojedinih dijelova rada.

U drugom dijelu opisani su sudionici na tržištu kapitala, njihova uloga, zatim korisnici kapitala, a sve sa ciljem što potpunijeg razumjevanja pojma i razvoja tržišta kapitala. Poseban naglasak je na dostignutom stepenu razvoja tržišta kapitala u BiH, kao i na ograničenjima u njegovom razvoju. Treći dio govori koji su to instrumenti koji se koriste na tržištu kapitala i svaki je ponaosob objašnjen. U četvrtom dijelu obrađeni su posrednicina tržištu kapitala jer su oni predmet i problem istraživanja. Kroz njihove karakteristike objašnjena je njihova uloga, a samim tim i

potvrđena hipoteza. U petom dijelu dat je osvrt na berzu jer se na njoj vrši prodaja i kupovina različitih vrsta instrumenata kapitala, a sve se to obavlja putem posrednika. Šesti dio daje pregled trgovanja, odnosno promet SASE a za period proteklih tri i po godine dana, te ističe najvažnije čimbenike za rast ili pad berze.

U zaključku je predstavljena sinteza svih rezultata istraživanja do kojih se došlo u ovom radu, a kojim je potvrđena hipoteza.

U osmom dijelu je navedena literatura koja je korištena prilikom izrade rada.